



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: UP-1/21-1-40-039-7/23
Datum: 18.04.2023. godine

«Agencija za vodno područje rijeke Save» Sarajevo rješavajući po zahtjevu pravnog lica „TELEMACH BH“ d.o.o., Sarajevo za izdavanje prethodne vodne saglasnosti za prelazak trase optičkog kabla preko mosta na rijeci Spreči na području MZ Sižje i MZ Dobošnica, Grad Lukavac, na osnovu člana 109. stav 1. tačka 10., a u vezi sa članom 12. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22) **donosi**

R J E Š E N J E **o prethodnoj vodnoj saglasnosti**

1. Pravnom licu, „TELEMACH BH“ d.o.o., Sarajevo daje se prethodna vodna saglasnost za prelazak trase optičkog kabla preko mosta na rijeci Spreči na području MZ Sižje i MZ Dobošnica, Grad Lukavac, a u postupku pribavljanja urbanističke saglasnosti.
2. Prethodna vodna saglasnost daje se na osnovu pregleda dostavljene dokumentacije i pod slijedećim uslovima:
 - 2.1. Izraditi investiciono-tehničku dokumentaciju za prelazak trase optičkog kabla preko mosta na rijeci Spreči, a sve u skladu s propisima za ovu vrstu radova, odnosno za prelaz preko vodotoka koristeći konstrukciju navedenog mosta, te sagledati sve moguće neželjene uticaje na režim površinskih i podzemnih voda, objekte i postrojenja, stečena prava korisnika, postojeću infrastrukturu, naselja i sl., te dati prijedlog mjera za uklanjanje, odnosno sprečavanje tih uticaja.
 - 2.2. Projektnom dokumentacijom detaljno definisati i prikazati način postavljanja optičkog kabla na konstrukciju mosta preko rijeke Spreče i zaštita istog.
 - 2.3. Način ukrštanja optičkog kabla sa postojećim vodovodnim i drugim instalacijama ukoliko se iste identificiraju treba da se projektuje u skladu sa tehničkim propisima za ovu vrstu radova i prema uslovima i saglasnostima organizacije koja upravlja navedenim sistemom.
 - 2.4. Pribaviti saglasnost organa nadležnog za upravljanje ovim mostom i u svemu poštovati njegova uputstva ukoliko nisu u suprotnosti sa uslovima iz ove prethodne saglasnosti.
 - 2.5. Optički kabl ne smije biti položen ispod donje ivice mostovne konstrukcije i svojim položajem uticati na smanjenje površine proticajnog profila.
 - 2.6. Tehnologiju izvođenja polaganja kablova izabrati sa posebnom pažnjom kako ne bi došlo do poremećaja okolnog tla te narušavanja obalnog područja rijeke Spreče.
 - 2.7. zahtjeva.
3. Nakon izrade projektne dokumentacije u skladu sa uslovima iz tačke 2. ovog dispozitiva, a prije pribavljanja odobrenja za građenje, podnosilac zahtjeva je dužan zatražiti vodnu saglasnost na projektnu dokumentaciju. Pored investiciono – tehničke dokumentacije urađene u skladu sa uslovima datim u dispozitivima ovog Rješenja, Investitor treba dostaviti i dokumentaciju navedenu u skladu sa članom 8. i 19. Pravilnika o sadržaju, obliku, uslovima, načinu izdavanja i čuvanja vodnih akata kao i saglasnost organa koji upravlja i odgovoran je za predmetni most.
4. Prethodna vodna saglasnost se daje sa rokom važenja od 3 (tri) godine od dana pravosnažnosti ovog rješenja, u skladu sa članom 111. stav 3. Zakona o vodama.
5. Ukoliko nakon izdavanja ove prethodne vodne saglasnosti, a u toku pripreme dokumentacije za podnošenje zahtjeva za izdavanje vodne saglasnosti, nastupe okolnosti za koje se može pretpostaviti da mogu biti od uticaja na rješavanje zahtjeva za donošenje rješenja o vodnoj saglasnosti, nosilac prava iz prethodne vodne saglasnosti dužan je o nastanku tih okolnosti obavjestiti ovu Agenciju, odnosno kantonalno ministarstvo, prije podnošenja zahtjeva, odnosno obavezno navesti okolnosti u zahtjevu za izdavanje vodne saglasnosti.

OBRASLOŽENJE

Grad Lukavac- Služba za urbanizaciju, imovinske i geodetske poslove se u ime pravnog lica, „TELEMACH BH“ d.o.o., Sarajevo obratila ovoj Agenciji 02.02.2023. godine sa zahtjevom za donošenje rješenja o prethodnoj vodnoj saglasnosti za izgradnju dijela podzemne optičke trase (prelazak trase optičkog kabla preko mosta na rijeci Spreči) na području MZ Sižje i MZ Dobošnica, Grad Lukavac, a u postupku pribavljanja urbanističke saglasnosti.

Uz zahtjev je dostavljena i slijedeća dokumentacija:

- Ovjereni kopija Rješenja o izmjenama podataka o upisu u sudski registar, broj: 065-0-Reg-20-003286 izdatog 14.10.2020. godine od strane Općinskog suda u Sarajevu,
- Ovjereni kopija Aktuelni izvod iz sudskog registra, broj: 065-0-Reg-20-013356 izdatog 21.12.2022. godine od strane Općinskog suda u Sarajevu,
- Ovjereni kopija katastarskog plana, razmjera 1:2500, broj plana 2., UR broj: 05-26-2-806/2023-3 od 08.03.2023. godina izdato od Službe za urbanizaciju, imovinske i geodetske poslove, Grad Lukavac;
- Ovjereni kopija katastarskog plana, razmjera 1:2500, broj plana 7., UR broj: 05-26-2-806/2023-2 od 08.03.2023. godina izdato od Službe za urbanizaciju, imovinske i geodetske poslove, Grad Lukavac;
- Zemljišnoknjižni izvadak, zk. uložak broj: 375, broj: 126-0-NAR-23-000789 od 08.03.2023. godina izdato od Zemljišnoknjižni ured, Općinski sud u Lukavcu;
- Zemljišnoknjižni izvadak, zk. uložak broj: 778, broj: 126-0-NAR-23-000790 od 08.03.2023. godina izdato od Zemljišnoknjižni ured, Općinski sud u Lukavcu;
- Podaci o identifikaciji parcela od 28.02.2023. godine izdato od Službe za urbanizaciju, imovinske i geodetske poslove, Grad Lukavac;
- Studija za izdavanje prethodne vodne saglasnosti za izradu optičke mreže u MZ Sižje i MZ Dobošnica, Grad Lukavac, Februar 2023. godina urađena od „PGP HIDROINŽINJERING“ d.o.o., Tuzla;
- Dokaz o uplaćenju upravnoj taksi na zahtjev.

Nakon izvršenog uvida u dostavljeni zahtjev i priloženu dokumentaciju utvrđeno je da uz zahtjev nisu dostavljeni potrebni prilogi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari i zatražio dopunu podneska u skladu s članom 3. i članom 19. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH, broj 31/15, 55/19, 41/20 i 63/22) dopisom broj: UP-1/21-1-40-039-2/23 od 20.02.2023.godine u kojem je zatraženo od podnosioca zahtjeva da isti upotpuni u roku od 20 (dvadeset) dana od dana urednog prijema dostavljene obavjesti. U datom roku Investitor je upotpunio svoj zahtjev aktom broj: 05-19-689/22 dana 10.03.2023. godine traženom dokumentacijom.

U skladu sa članom 124. stav (1) Zakona o vodama o zahtjevu je dana 22.03.2023. godine obaviještena javnost putem obavještenja na oglasnoj ploči «Agencije za vodno područje rijeke Save» Sarajevo i u dnevnom listu „Oslobođenje“ objavljenom dana 24.03.2023. godine. U datom roku nije bilo pisanih izjašnjenja o predloženim aktivnostima iz zahtjeva. Na osnovu objave, oglašavanja u dnevnom listu „Oslobođenje“, investitor je na osnovu Zaključka o visini i roku za plaćanje posebnih troškova broj: UP-1/21-1-40-039-5/22 od 04.04.2023. godine uplatio iznos po računu broj: 1151-104000-1 dostavljen od Oslobođenje servisi d.o.o., za troškove obavješćavanja javnosti putem oglasa.

Na osnovu uvida u dostavljenu dokumentaciju utvrđeno je sljedeće:

Predmetni objekat je dio distribucionog kablovskog dvosmjernog hibridnog optičko-koaksijalnog (KDS) sistema za Lukavac koji služe za prijenos podataka kablovske TV, interneta, telefonije i sl.

Distribicioni kablovski prenosni vodovi spadaju u grupu podzemnih instalacija iznimno na prelazu preko mosta na rijeci Spreči na magistralnom putu Tuzla-Doboj.

Trasa kablovskog voda se ukršta sa rijekom Sprečom, tj. prelazi mostovskom konstrukcijom u zaštitnoj pocinčanoj cijevi Ø 100mm.

Aktivnost je definisana u Studiji za izdavanje prethodne vodne saglasnosti za izradu optičke mreže u MZ Sižje i MZ Dobošnica, Grad Lukavac, Februar 2023. godina urađena od „PGP HIDROINŽINJERING“ d.o.o., Tuzla;

Na osnovu utvrđenog činjeničnog stanja, a shodno članu 109. stav (1) tačka 10., a u vezi sa članom 12. i članom 111. Zakona o vodama, konstatovano je da sa aspekta sektora voda i priložene dokumentacije ne postoje zapreke da se podnosiocu zahtjeva, kao Investitoru, izda tražena prethodna vodna saglasnost, pa je donešeno rješenje kao u dispozitivu ovog Rješenja.

Uslovi za izdavanje vodne saglasnosti definisani su u tački 2. dispozitiva rješenja i isti trebaju biti obrađeni u investiciono-tehničkoj dokumentaciji, koju će Investitor dostaviti uz zahtjev i drugu potrebnu dokumentaciju za donošenje rješenja o vodnoj saglasnosti, shodno članu 114. Zakona o vodama.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.


Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Remić Dž, dipl.iur.

Po ovlaštenju
Rukovodilac Sektora za izdavanje vodnih akata

Haris Ališehović, dipl.ing.grad.



Dostaviti:

- „TELEMACH BH“ d.o.o., Sarajevo
Ul.Džemala Bijedića 216., Sarajevo
- Grad Lukavac-Služba za urbanizaciju, imovinske i geodetske poslove
- ⊖ AVP Sava, ISV – Vodna knjiga
- Sektor 40 - arhiva
- Oglasna ploča - AVP Sava